



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cosoranensi Episcopo Et Abbatи Cisterciensi apostolicæ sedis Legatis.

urn:nbn:de:hbz:466:1-20020

pellatione remota sine debito decidatis, facientes quod statueritis per censuram ecclesiasticam firmiter observari. Quod si forsan alteri partium vestrum judicium sit suspectum, partes ad eligendos arbitros appellatione postposita compellaris, qui prædicta, sublato appellationis obstaculo, sicut premisimus, exequantur. Nullis litteris veritati & iustitiae præjudicantibus à sede apostolica impetratis. Quod si non ambo &c. tu, frater Archiepiscopo &c.

Datum Romæ apud sanctum Petrum IV.

Kal. Iunij, anno decimo.

COSORANENSI EPISCOPO ET ABBATI
Cisterciensi apostolica sedis Legatis.

Ep. 62.
Communi-
catus Ar-
chiepiscopi
Narbonensis de
unitate cuius-
dem ecclias.

Cum geramus in terris, licet imme-
riti, vicem ejus cui cœlestis pater
judicium omne dedit, ut nec esset nimis
regidum ex potentia, nec ex benignitate
valde remissum, sed misericordia pariter
& iustitia persapientiam temperatum, ita
nos decet de subditis judicare quod ultra-
que virtute nostrum judicium condiamus.
Sanè cum olim per Legatos nostros in
Narbonensem provinciam destinatos def-
cenderimus ad videndum utrum clamor-
em, quia ad nos venerat, . . . Archiepiscop-
pus Narbonensis opere complevisset, ipsi
per viros juratos inquisitionem plenariam
facientes, depositiones eorum suis inclu-
tas sigillis nobis fideliter transmiserunt;
per quas idem Archiepiscopus de duobus
principiis, avaritia scilicet & negligenter,
culpabilis notabatur, quæ duo inter abu-
siones duodecim numerantur; cum vide-
licet est Episcopus negligens, & dives ava-
rus, quamvis utraque radix in multis rama-
bus perhibetur esse diffusa. Idem autem
Archiepiscopus ad præsentiam nostram
accedens, super objectis se multipliciter
excusavit, misericordiam tamen postu-
lans, & emendationem promittens, ut
expiare posset præterita per futura, reco-
lens illud quod Iohannes Apostolus ait:
*Si dixerimus quod peccatum non habemus, nos
ipsos seducimus, & veritas in nobis non est,
quoniam in malis offendimus omnes.* Nos igi-
tur attentes quod ex labore grandis &
gravis itineris, maximè præ senectute ac
debilitate corporis, esset afflatus, & ab-
baria Montis Aragonum, quæ pluris ei
quam Narbonensis archiepiscopatus, sicut
dicebatur, extiterat, per vos fuerat spo-
liatus, dispoliuimus infundere oleum super
vinum, ut in nobis iustitiam pariter &
misericordiam inveniret, cum in arca ta-

bernaculi manna contineretur & virga,
tamen ne manna dulcedinis posset effice-
re dissolutum quem virga correctionis de-
bebat reddere castigatum. Ad parabolam
igitur evangelicam de ficalnea plantata
in vinea recurrentes, de qua cum domi-
nus cultori vineæ præcepisset ut illam suc-
cideret, ne terram inutiliter occuparet,
qui veniens post tres annos non invenit
fructum in illa, & ille respondit domino
ut dimitteret illam per annum usque dum
foderet circa ipsam & mitteret stercore,
& si quidem faceret fructum, alioquin
eam succideret in futurum, adhuc eidem
Archiepiscopo, circa quem foderamus
comminando & increpando, & misera-
mus stercore commandono & exhortan-
do, amplioris temporis spatium duximus
indulgendum, ut probaremus utrum fru-
ctum afferret optatum; & si fortè fructum
non faceret, securim ad radicem infru-
ctuosæ arboris justius poneremus. Eidem
ergo districte præcepimus ut non pecu-
niarum sed animarum lucris insistens, illi-
citis exactiōibus & iniquis commerciis
nequaquam intenderet, sed ad hospitali-
tatem ac pietatem se diligenter exercens,
peregrinis & indigentibus se largum &
benignum deinceps exhiberet. Studeret
insuper visitare provinciam, celebrare
Concilium, hæreses expugnare, multi-
plices excessus corrigere, ac cetera ope-
rari quæ requirit officium pastorale. Ve-
rum quia, sicut accepimus, non solum
præterita non correxit, verum etiam pe-
jora prioribus novissima sua fecit, volen-
tes cum ipso procedere utiliter in iustitia,
circa quem in misericordia noscimur inu-
tiliter processisse, discretioni vestre per
apostolica scripta præcipiendo manda-
mus quatinus inquisita diligentius & cog-
nita veritate, si eum vel de premissis in-
veneritis incorrectum, vel in similibus aut
gravioribus deliquisse, sublato cujuſlibet
contradicitionis & appellationis obstaculo
ab administratione Narbonensis Ecclesie
ipsum removeatis omnino, facientes ei-
dem cum consilio vestro de persona ido-
nea in Pontificem provideri, qui & possit
& velit non solum sibi subditis, verum
etiam & vicini, verbo & exemplo profi-
cere, ac præfertum à lupis rapacibus, qui
contra caulas Ecclesie de latibulis pravita-
tis hæreticæ sunt egressi, gregem domini-
cum custodire. Contradictores, si qui
fuerint, vel rebelles censura ecclesiastica
appellatione postposita compescentes.

Datum ut in ala.

E iiij